

"মিষ্টি বাচ্চারা :- এই কলিযুগী দুনিয়ার সুখ কাক বিষ্ঠা সম, এই দুনিয়া এখন গেলো বলে, তাই এর প্রতি আকর্ষণ রেখো না, আসক্তি দূর করতে হবে"

প্রশ্ন :- কোন্ বাচ্চাদের মন এই পুরানো দুনিয়ার প্রতি লাগে না ?

উত্তর :- যে বাচ্চারা আঞ্জাকারী, বিশ্বাসী এবং নিশ্চয়বুদ্ধির হয়, তাদের মন এই পুরানো দুনিয়ার প্রতি আকৃষ্ট হয় না কেননা তাদের বুদ্ধিতে থাকে, এই বিনাশ এখন হলো বলে । এ এক জাদুর খেলা, মায়ার আবরণ । এর এখন বিনাশ হতেই হবে । বাঁধ ভেঙ্গে যাবে, ভূমিকম্প হবে, সাগরও ধরিত্রীকে গ্রাস করবেএ সবই হবে, নতুন কিছুই নয় । তোমাদের যদি সুইট হোম, সুইট রাজধানী স্মরণে থাকে তাহলে এই দুনিয়ার প্রতি আকর্ষণ আসবে না ।

গীত :- যার সাথী হলো ভগবান

ওম শান্তি । এই গীত হলো নিশ্চয়তার উপর । যখন তোমরা বাবার হও বা বাবা যখন আসেন, তখন তিনি এসে আমাদের সাথী হন । বাচ্চারা জানে যে, বাবা যখন আসেন, তখনই বিনাশের তুফান শুরু হয় । বাবা আসেন পুরানো দুনিয়ার সমাপ্তি করিয়ে নতুন দুনিয়ার স্থাপন করতে । ভূমিকম্প হবে, সমুদ্র নীচে থেকে ধরনী গ্রাস করবে, বর্ষণও উপর থেকে ধরিত্রীকে ডুবিয়ে দেবে । এই সব হবেই । ওরা তো গান এমনই বসে বানিয়েছে । তোমরা ব্রাহ্মণ কুল ভূষণ বাচ্চারা জানো যে, বরাবর পুরানো দুনিয়ার বিনাশ হবেই । বাবা এসেছেনই নতুন দুনিয়ার স্থাপন করতে । তিনি ব্রাহ্মণদের সম্পূর্ণ বিশ্বের মালিক বানান । পুরানো দুনিয়ার বিনাশ করিয়ে বাচ্চাদের আবার সমগ্র বিশ্বের রাজস্ব আশীর্বাদী বর্ষায় দেন । তোমরা জানো যে, বাবার থেকে নতুন বিশ্বের মালিকত্বের আশীর্বাদী বর্ষা পাওয়া যায় । এই পুরানো বিশ্ব তো কোনো কাজেরই নয় । মানুষ বুঝতে পারে যে, এখন স্বর্গ তৈরী হচ্ছে । কিন্তু এ সবই হলো মায়ার মিথ্যা আবরণ । সমস্ত জিনিসই চকচকে নকল সোনা, সমস্ত রাজ্যই গিলটির । সবই মৃগতৃষ্ণার সমান, এতেই মানুষ খুশী হয় । পূর্বে যখন মুসলমানদের রাজ্য ছিলো তখন এই এরোপ্লেন, মোটর ইত্যাদি খোড়াই ছিলো । এ সবই মায়ার চমক । ওরা কতো প্ল্যান তৈরী করে । বাচ্চারা জানে, এ সবকিছুই বিনাশ হয়ে যাবে । ভূমিকম্প হবে এই সমস্ত বাঁধের জল ভরিয়ে দেবে । মানুষ মনে করে, এই সবই তারা সুখ পাবে কিন্তু এই সবকিছু থেকেই দুঃখের প্রাপ্তি হয় । এই এরোপ্লেনও দুঃখদায়ী হয়ে উঠবে, এই এরোপ্লেন থেকেই বোম্বস পড়বে । তাই বাচ্চারা এই সমস্ত কথাই ভুলে যায় তাই তাদের মন এই পুরানো দুনিয়াতেই আটকে থাকে । যারা বাবার আঞ্জাকারী, বিশ্বাসী এবং সম্পূর্ণ সাহায্যকারী বাচ্চা হয়, সম্পূর্ণ নিশ্চয়বুদ্ধি হয়, তারা জানে যে, যাই হোক না কেন, এ কোনো নতুন কথা নয় । এই পুরানো দুনিয়ার বিনাশ তো অনেকবারই হয়েছে, সেই আবার অবশ্যই হবে । ওরা ভাবে যে, অনেক নতুন নতুন জিনিস তৈরী হচ্ছে, এ তো স্বর্গ তৈরী হচ্ছে, আর তোমরা বাচ্চারা কেবল জানো যে, এ তো এক জাদুর খেলা । যেমন কোনো পুরানো সোনাকে রং, রূপ দিয়ে তাকে চমকদার করা হয়, তেমনই এই পুরানো দুনিয়াকেও রং, রূপ দিয়ে চমকপ্রদ করার সমস্ত প্ল্যান বানাতে থাকে । তারা এ কথা জানেই না যে সবকিছুর বিনাশ হয়ে যাবে । এ তো তোমরা ব্রাহ্মণরাই জানো যে, এই পুরানো দুনিয়া বিনাশ হয়ে যাবে ।

মানুষ তো বলে দেয় যে এই পুরানো দুনিয়ার বিনাশ হয়ে যাবে তারপর ভগবান এসে নতুন দুনিয়ার স্থাপন করবেন। প্রথমে তিনি ব্রহ্মার রচনা করবেন তারপর তাঁর থেকে মনুষ্য সৃষ্টির রচনা হবে। সে তো কবে হবে, তা কেউ জানে না। এ তো বাবা বসে বাচ্চারা তোমাদের বোঝান। ভগবানের হলো শ্রীমত। এখন শ্রীমত যখন বলা হয় তখন অবশ্যই বোঝা উচিত এ উচ্চ ভগবানের মতই হবে। ব্রহ্মার বা বিষ্ণুর শ্রীমত বলা হয় না। ভগবান এসে ব্রহ্মার শরীরের দ্বারা কিভাবে শ্রীমত দেন --- এ কথা মানুষ জানে না। তারা এ কথা বুঝতে পারে না যে -- ব্রহ্মা নীচে কিভাবে এলো, তিনি তো সূক্ষ্মবতনবাসী। তাই এই সব কথা না জানার কারণে তারা কৃষ্ণের নাম দিয়ে দিয়েছে। কৃষ্ণের কোনো সাধারণ রূপে পরমাত্মা প্রবেশ করেন --- এমন কোনো ঘটনাও হয় না। এই কথা কেউই জানে না। বাবা বলেন যে, আমিও অনেক গুরু করেছিলাম কিন্তু কিছুই জানতাম না। আমি ভুলে গিয়েছিলাম যে, শ্রীমত কার? শ্রেষ্ঠর থেকে শ্রেষ্ঠ হলেন তো নিরাকার, তাঁরই হলো শ্রীমত। শিবায় নমঃ -- বলা হয় না? তাঁর মহিমা হলো অপরমপার। এই কথা কেবল তোমরা বাচ্চারাই জানো। এই সব কথা কারোর বুদ্ধিতে বসাতে গেলে কতো পরিশ্রমের প্রয়োজন।

এখন ভক্তদের ভগবানের মতের প্রয়োজন। এ তো ড্রামাতেই লিপিবদ্ধ আছে। গীতার ভগবান এসে ভক্তদের মত দিয়েছিলেন, তো ভক্তদের উদ্ধার কিভাবে হবে, ভক্তরা তো বলে দেয়, ভগবান সর্বব্যাপী। ভক্তরাই যদি ভগবান হয়, তাহলে বলো তাদের কি হাল হবে। এখন বাবা বসে বোঝাচ্ছেন যে, ভগবান হলেন এক, তিনি আসেনই ভক্তদের রক্ষা করতে। এই সময় মানুষ সবাই রাবণের শোকবাটিকাতে রয়েছে। অন্য কোনো মানুষ বা সাধু - সন্ত আদি এদের রক্ষা করতে পারবে না। ভক্তদের রক্ষা একমাত্র ভগবান করেন।

মানুষ এই কথা জানে না যে, আমরা পতিত দুনিয়া এই নরকে নিবাস করছি। পবিত্র দুনিয়া স্বর্গকে বলা হয়। এই কথাও কোটিতে কয়েকজনই বুঝবে। আগের কল্পের হারানিধি বাচ্চারাই এখানে আসবে। কল্প কল্প তোমরাই হারানিধি বাচ্চা হও তারপর কেউ কেউ তো সম্পূর্ণ বাবার প্রিয় হয় আবার কাউকে তো মায়া কাঁচাই খেয়ে ফেলে। বাবার স্মরণ না করার ফলে চট করে বিকার এসে যায়। প্রথম প্রথম দেহ অহংকারের বিকার এলে তার সঙ্গে অন্য বিকারও চেষ্টা করতে থাকে, এই কারণেই বাবা বলেন, তোমরা দেহী অভিমানী হও কেননা সবাইকেই এখন ফিরে যেতে হবে। এখানে তো কেবল দুঃখই দুঃখ। কলিযুগী দুনিয়ার সুখ কাক বিষ্ঠা সমান। এ তো সন্ন্যাসীরাও বলে আর তোমরাও বুঝতে পারো। তোমরা বাচ্চারা নরক এবং স্বর্গকে জানো। নরকে তো কোনো সুখই নেই। নরকে কোনো আকর্ষণ রাখা হলো নিজের পদ ভ্রষ্ট করা। কোনো জিনিসেই কোনো আসক্তি রাখবে না। তোমাদের বোঝা উচিত যে, এই পুরানো দুনিয়া শেষ হয়ে যাবে। এই দুনিয়া এখন আর কোনো কাজের নয়। প্রথম প্রথম দেহ - অভিমান আসার কারণে এই দুনিয়ার প্রতি আকর্ষণ আসে। দেহী - অভিমানী যেমন এই দুনিয়ার থেকে উর্ধ্বে থাকে। ও হলো হৃদের বৈরাগ্য আর এ হলো বেহৃদের বৈরাগ্য। আমরা এই পুরানো দুনিয়াকে ভুলে যাই কারণ এ সম্পূর্ণ দুঃখদায়ক। এখানে আর অল্প কিছুই আছে, এ তো শেষের পথে। বাকি আমরা খুব অল্প সময়ের অতিথি। তো ব্রাহ্মণরাই বলে, আমরা পুরানো দুনিয়াতে খুব অল্প সময়ের অতিথি। আমরা আমাদের সুইট হোম, সুইট রাজধানীতে গিয়ে সুখ ভোগ করবো, এখন আমাদের যেতে হবে। এই পুরানো দুনিয়া কবরস্থান হয়ে যাবে তাই দেহ সহিত সবকিছুই ভুলে যেতে হবে। এই শরীর হলো পুরানো জুতোর তুল্য, একে এখন ত্যাগ করতে হবে, আমাদের যোগে থাকতে হবে। যোগে থাকলে আমাদের আয়ু বৃদ্ধি পাবে আর আমরা বাবার

থেকে আশীর্বাদী বর্ষা নিতে পারবো। দেহী - অভিমানীদের আয়ু বৃদ্ধি পায় না। তাদের দেহের প্রতি প্রেম হয়ে যায়। কারোর চেহারা সুন্দর হলে তাদের দেহের প্রতি প্রেম হয়ে যায়। খুব ভালোভাবে তারা সেই চেহারাকে পরিচ্ছন্ন করতে থাকে, যেমন ভাবে বাসন পরিচ্ছন্ন করা হয়। তোমরা যত যোগে থাকবে, ততই আত্মা পিওর হতে থাকবে তারপর নতুন শরীর রূপী বাসনের জন্য উপযুক্ত হবে। আমরা যতই শরীরকে সাবান, ভেসলিন, পাউডার ইত্যাদি লাগাই না কেন, তবুও এই শরীর হলো পুরানো শরীর। পুরানো বাড়িকে যতই মেরামত করো না কেন তা পরিত্যক্তই মনে হয়, এই শরীরও তেমনই। নিজের সঙ্গে এমন বার্তালাপ করলে বাবা আর তাঁর আশীর্বাদী বর্ষার প্রতি মন লাগবে আর কোনো জিনিসেই তখন মন লাগবে না। আমি আত্মা, বাবার কাছেই যাবো। বাবাকে স্মরণ করলে আমাদের লাভ হতেই থাকে। আয়ুও বৃদ্ধি পেতে থাকে। আত্মা বুঝতে পারে ---আমি যোগবলের দ্বারা শুদ্ধ হচ্ছি। আমার এই শরীর এখন কোনো কাজের নয়। যদিও সল্ল্যাসীরা পবিত্র থাকে তবুও তাদের শরীর তো পতিত। এখানে কারোর শরীরই শুদ্ধ হতে পারে না। ওখানে শরীর বিকার বিষের দ্বারা উৎপন্ন হয় না। এই কথা তোমরা বাচ্চারাই জানো। স্বর্গেও যদি বিকারের দ্বারা জন্ম হয় তাহলে তাকে নির্বিকারী দুনিয়া কেন বলা হয়? সেখানে তো আত্মা আর শরীর দুইই পবিত্র থাকে।

তোমরা জানো যে এই সময় পাঁচ তন্ত্রও আয়রন এজের তাই শরীরও তেমন হয়। এখানে রোগ ইত্যাদি হয়ে যায়, ওখানে শরীর কখনোই রোগগ্রস্ত হয় না। এ সমস্তও বোঝার মতো কথা। ওখানে তোমাদের শরীরও নতুন হয়। প্রকৃতিও সতোপ্রধান হয়ে যায়। ওখানে এইসব ওষুধপত্র কিছুই থাকবে না। তোমাদের শরীরে দিব্য চমক থাকবে। কায়া একদম কাঞ্চন তুল্য হয়ে যাবে, ওই যুগকে স্বর্ণ যুগ বলা হয়। শরীর তো আর সোনার হয় না। লক্ষ্মী - নারায়ণকে পারসনাথ - পারসনাথিনী বলা হয়। তাঁদের শরীর দেখো কতো সতোপ্রধান। তাঁদের কতো মহিমা। এখন তো এই পাঁচ তন্ত্রও তমোপ্রধান, বিকার বিষের দ্বারাই এই শরীরের জন্ম হয়। সেখানে থাকে যোগবলের কথা। স্বর্গে অবশ্যই নির্বিকারী বাচ্চারাই থাকবে। মহাশত্রু কাম সেখানে থাকে না। বাবা বলেন, এই কাম তোমাদের আদি - মধ্য - অন্ত দুঃখ দেয়। ওই দুনিয়াকে বলাই হয় সম্পূর্ণ নির্বিকারী দুনিয়া আর এই দুনিয়াকে সম্পূর্ণ বিকারী দুনিয়া বলা হয়। প্রত্যেকের ভিতরই এই পাঁচ আছে। তোমরা এই পাঁচ ভূতের উপর বিজয় তখনই পাও যখন সর্বশক্তিমান বাবার সঙ্গে যোগ লাগাও, যেই যোগবলের দ্বারা তোমরা এই বিশ্বের মালিক হও। তাই তোমরা হলে ছদ্মবেশী শিবশক্তি সেনা। সেনারা শিব বাবার সঙ্গে যোগযুক্ত হয়ে শক্তি প্রাপ্ত করছে। সেই সর্বশক্তিমান বাবা হলেন স্বর্গের রাজধানী স্থাপনকারী, গড ফাদার। তিনি তোমাদের স্বর্গের মালিক বানাতেই আসেন। এখন কিন্তু তোমরা স্বর্গের উপযুক্ত নও। বাচ্চার, আমি কল্পে - কল্পে এসে তোমাদের স্বর্গের রাজধানীর যোগ্য করে গড়ে তুলি। এখন তোমরা হলে এই নরকের মালিক। যদিও মানুষ বলে থাকে, অমুকে মারা গেছেন, স্বর্গবাসী হয়েছেন। তারা একদম বুঝতে পারে না যে, আমরা এই নরকেই আছি। বাস্তবে স্বর্গের খবর কেউই জানে না। মানুষ বলে, যাদের কাছে ধন - দৌলত বেশী আছে, তাদের কাছে এই দুনিয়াই স্বর্গ। আরে, এতো রোগ আদি যদি থাকে তাহলে তাকে কিভাবে স্বর্গ বলা যাবে? স্বর্গ তো সত্যযুগকে বলা হয়। কলিযুগে খোড়াই স্বর্গ আছে। বাবা বুঝিয়েছেন যে, এই দুনিয়া হলো বিকারী দুনিয়া। প্রত্যেক নারী হলো দ্রৌপদী আর পার্বতী। এই প্রত্যেক নারীকেই অমরনাথ অমরকথা শোনান। তাই প্রত্যেক দ্রৌপদীই গল্প হওয়ার হাত থেকে রক্ষা পাবে। এই কথা বেহদের বাবা বসে বোঝান। ওই দুনিয়া হলো পাপমুক্ত, সম্পূর্ণ নির্বিকারী দুনিয়া, সেখানে একদম বিকার নেই। আত্মা যখন এসে গর্ভে প্রবেশ করে তখন

সম্পূর্ণ পবিত্র থাকে। আত্মা যেহেতু পবিত্র আসে তাই তাকে গর্ভে কোনো সাজা ভোগ করতে হয় না। এখানে তো সবাই সাজা পায়। আত্মা।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ - ভালোবাসা এবং সুপ্রভাত। রুহানী বাবার রুহানী বাচ্চাদের নমস্কার।

ধারণার জন্য মুখ্য সার :-

১) এই দুনিয়াতে নিজেকে অতিথি মনে করতে হবে। দেহী - অভিমানী হয়ে পুরানো দুনিয়া আর পুরানো দেহ থেকে উদ্ধৃত থাকতে হবে।

২) যোগের দ্বারা আত্মা এবং শরীর রূপী বাসনকে স্বচ্ছ করতে হবে। এই শরীর কোনো কাজের নয় তাই এর প্রতি মমত্ব রেখো না।

বরদান :- খুশীর সম্পদে অনেক আত্মাকে ভরপুর করে সদা খুশীর ভাগ্যের অধিকারী হও

খুশীর ভাগ্যের অধিকারী তাদের বলা হয় যারা সদা খুশীতে থাকে আর খুশীর সম্পদে অনেক আত্মাকে ভরপুর করে দেয়। আজকাল প্রত্যেকেরই বিশেষ খুশীর সম্পদের আবশ্যিকতা আছে, তাদের আর সবকিছুই আছে কিন্তু খুশী নেই। তোমরা তো খুশীর খনির সন্ধান পেয়েছো। খুশীর বিভিন্ন রকম সম্পদ তোমাদের কাছে আছে, কেবল এই সম্পদের মালিক হয়ে যা পেয়েছো তা নিজের প্রতি এবং সকলের প্রতি ব্যবহার করো তাহলেই ভরপুরতার অনুভব করবে।

স্লোগান :- অন্য আত্মাদের ব্যর্থ ভাবকে শ্রেষ্ঠ ভাবে পরিবর্তন করে দেওয়াই হলো প্রকৃত সেবা।